

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARICO

di ARUBA

Bo Matutino Netamente Arubiano



DIABIerna 28 OCTOBER 1988

ABONADO PA LUNA 15,00 FLs. * EJEMPLAR 0,60

AÑA 8 NO 2415

PATRUYERO
AMERICANO TA
YUDANDO
GUARDACOSTA
VENEZOLANO

Despues cu ayera nan a entrega nan retiro

MINISTRONAN NO POR BAY CAS PROMER CU ELECCION

Mocion di desconfianza den staten ta caso sin precedente

ORANJESTAD(AAN)--

Ayera Ministro Presidente Mr. Henny Eman hunto cu otro Ministronan, cu excepcion di Drs. Frank Booi, a entrega carta na Gouverneur Tromp den cual nan ta pidi nan retiro como Ministro. Ministro Booi for di Dialuna, manera ta conoci ya a entrega su retiro.

E otro Ministronan a participa na Gouverneur cu e partido politico AD 86 den un carta na Gouverneur, fecha 24 di October 1988, a retira nan sosten na Gobierno, cu a perde mayoria den Staten. Un que otro a worde participa na Staten dia 26 di October 1988.

E Ministronan a trece dilanti, cu te asina leo cu nan sa, no ta costumbre cu, y no tin ningun caso conoci caminda, Staten cu ya a worde disolvi ta atende

KABINET
van de
GOUVERNEUR van ARUBA



asuntanan manera terminacion den confianza den Ministronan cu materialmente ya ta demisionario. Staten di Aruba a worde disolvi pa Decreto Gubernamental di dia 18 di October 1988.

E Ministronan ta pensa, cu awor cu e Ministronan di AVP no ta conta mas cu e confianza di Staten, nan mester pone nan puesto disponible.

Gouverneur a bisa Ministro Presidente y otro Ministronan cu e ta tene e peticion na consideracion. El a pidi nan pa keda encarga cu tur loke ta necesario na interes di Aruba y pa sigui coopera te ora e dicidi encuan to nan peticion pa retiro. E decision aki por tuma lugar solamente despues di eleccion dia 6 di Januari 1989 ora por tuma pasonan pa nombra un Gabinete nobo.